

Headlines

- 1 नमैं बनाए गेदे मते सारे मंत्रिएं अपने-अपने दफ्तर दा कम्मकाज सांभी लैता ऐ।
- 2 केन्द्रीय मंत्री डॉ.जितेन्द्र सिंह होरें आखेआ जे खरे ते अच्छे प्रशासन लेई पिछले दहाके च कीते गेदे सुधार अग्गे बी जारी रौहगन तां जे हर नागरिक लेई जीवन सखला बनी सकै।
- 3 प्रधानमंत्री नरेन्द्र मोदी होरें आखेआ ऐ जे भारत दे लोक म्हेशां शांति, सुरक्षा ते प्रगतीशील बचारें दे हिमायती रेह न।
- 4 प्रधानमंत्री मोदी होरें हर इक गी अपील कीती ऐ जे ओह योग गी अपने जीवन दा अनत्रुट हिस्सा बनान।
- 5 सुप्रीम कोर्ट नै राष्ट्रीय पात्रता सह प्रवेश परीक्षा नीट-यूजी 2024 मगरा मैडिकल कार्यक्रमें च प्रवेश सरबंधी कौंसलिंग प्रक्रिया पर रोक लाने थमां इंकार करी दित्ता ऐ।



Minister Charge

शिवराज चौहान होरें अज्ज राई-बाई ते करसानें उर भलाई बेहतरी सरबंधी मंत्री दे तौर पर कार्यभार संभाली लैता ऐ। श्री चौहान होरें औहदा संभालने मगरा आखेआ जे प्रधानमंत्री होरें करसानें दी आमदन गी दुगना करने दा धेइया कीते दा ऐ ते सरकार एहदे पर लगातार कम्म करा करदी ऐ। उनें आखेआ जे मंत्रालय हुन होर तेजी कन्नै कम्म करोग ते करसानें दी भलाई बेहतरी लेई हर मुमकिन गैह पुट्टी जाग। श्री चौहान होरें एह बी आखेआ जे ओह अधिकारिएं गी आपूं संकल्प पत्र सौंपगन। हरदीप सिंह पूरी होरें पैट्रोलियम ते कुदरती गैस ते गजेन्द्र सिंह शेखावत होरें संस्कृति मंत्रालय संभाली लैता ऐ। गजेन्द्र सिंह शेखावत होरें इस मौके पर बोलदे होई आखेआ जे बक्ख-बक्ख मंचें ते पैह्लुएं राएं मंत्रालय नै भारत दी इक टकोहदी तस्वीर तैआर कीती ऐ। उनें आखेआ जे संस्कृति ते सैलसफा मंत्रालय नै मिशन विकसित भारत च जोगदान देने दा धेइया कीते दा ऐ। जितन राम मांझी होरें लौहके, भलेया लौहके ते दरमेयाने उद्यमें सरबंधी मंत्री दे रूपै च कम्मकाज संभाली लैता ऐ। उनें आखेआ जे ओह इस बचार पर भरोसा करदे न जे कम्म पूजा ऐ ते कोई बी कम्म लौहका जां बड्डा नेई होंदा। अर्जुन राम मेघवाल होरें कनून ते न्यां मंत्रालय च राज्य मंत्री, स्वतंत्र प्रभार दे तौर पर कम्मकाज संभालेआ। उनें आखेआ जे बकाया पेदे मामलें दा नबेड़ा करना उंदे मंत्रालय दी प्राथमिकता होग। किरेन रिजिजू होरें संसदीय मामले ते अल्पसंख्यक मंत्रालय उे मंत्री दे तौर पर कार्यभार संभाली लैती। मनोहर लाल होरें ऊर्जा मंत्री दे रूपै च जिम्मेदारी संभाली। डॉ. जितेन्द्र सिंह होरें अज्ज अमले ते सिखलाई सरबंधी मैहकमे दे राज्यमंत्री स्वतंत्र प्रभार दे तौर पर औहदा संभाली लैता। उनें परतियै उंदे पर भरोसा जताने लेई प्रधानमंत्री हुंदा धन्नबाद कीता। डॉ. जितेन्द्र सिंह होरें आखेआ जे पिछले 10एं बरें च प्रधानमंत्री मोदी हुंदे दिशा-निर्देश च केई क्रांतिकारी सुधार होए न ते इआं लगातार जारी रौहग। जयंत चौधरी होरें भारत दे विकास ते उपक्रम सरबंधी मंत्रालय च राज्यमंत्री दे तौर पर कम्मकाज संभालेआ। संजय सेठ होरें रक्षा राज्यमंत्री दे तौर पर औहदा संभालेआ।



Amit Shah Charge

अमित शाह होरें अज्ज गृहमंत्रालय च केन्द्री मंत्री दे तौर पर जिम्मेवारी संभाली लैती ऐ। उनें सहकारिता मंत्रालय दा प्रभार बी सांभी लैता ऐ। अन्नपूर्णा देवी होरें महिला ते बाल विकास मंत्री दे तौर पर औहदा संभाली लैता ऐ।



Scindia Charge

ज्योतिसदित्य सिंधिया होरें अज्ज संचार मंत्री दे तौर पर जिम्मेवारी संभाली लैती ऐ। कार्यभार संभालने मगरा पत्रकारें कन्नै गल्लबात करदे होई श्री सिंधिया होरें आखेआ जे प्रधानमंत्री नरेन्द्र मोदी हुंदी अगुवाई च संचार मंत्रालय च क्रांति आई ऐ। उनें आखेआ जे ओह भारत दे 140 करोड़ लोकें ते प्रधानमंत्री नरेन्द्र मोदी हुंदी आसें तांगे मताबक कम्म करने दी अपने आस्सेआ पूरी कोशश करगंन। तोआई ज्जत् फ़ज़्ज़ न्ज़ा होरें सेहत ते परिवार दी भलाई बेहतरी सरबंधी मंत्री दे तौर पर जिम्मेवारी संभाली लैती ऐ। अनुप्रिया पटेल ते जाधव प्रतापराव जेहडे दवै इस मंत्रालय च राज्यमंत्री न, इस मौके पर मजूद हे।

<><><><><><>

Jittin Prasad IT

इलैक्ट्रानिक्स ते सूचना टैक्नालोजी मंत्रालय च नमें नियुक्त होए दे राज्यमंत्री जितन प्रसाद होरें अज्ज आखेआ ऐ जे सूचना टैक्नालोजी सरबंधी उद्योग च पिछले 10एं बरें च जबरदस्त तरक्की ते बदलाव होआ ऐ ते सरकार नै भारत गी सूचना टैक्नालोजी दा कुल संसारी केन्द्र बनाने दा धेइया कीते दा ऐ। अपने मंत्रालय च औहदा संभालदे होई श्री प्रसाद होरें आखेआ जे मजूदा समें च इलैक्ट्रानिक्स ते सूचना टैक्नालोजी सरबंधी क्षेत्र खास करियै नोजवानें च समर्थ कायम करने आला इक महत्वै आला सरिस्ता ऐ।

<><><><><><>

Jatinder-Governance

केन्द्री मंत्री डॉ. जितेन्द्र सिंह होरें आखेआ ऐ जे पिछले इक दहाके थमां खरे शासन सरबंधी कीते जा करदे सुधार जारी रौंहगन। एहदे कन्नै नागरिकें गी ध्यान च रक्खियै बनाए जाने आले सरिस्ते पर बाद्धा होग ते हर नागरिक लेई सखल्ले जीवन गी जकीनी बनाना जाई सकोग। अपने नार्थ ब्लाक दफतर च अमले, जन शकैतें ते पेंशन सरबंधी मंत्रालय दे केन्द्री राज्यमंत्री दे तौर पर कम्मकाज संभालदे होई उनें आखेआ जे एनडीए सरकार दे त्रिये कार्यकाल च प्रधानमंत्री नरेन्द्र मोदी हुंदी अगुवाई च पिछले 10एं बरें थमां कीते जा करदे कम्म जारी रौंहगन।

<><><><><><>

PM-Pak

प्रधानमंत्री नरेन्द्र मोदी होरें आखेआ ऐ जे भारत दे लोक सदा चुनां गै रमानदारी, सुरक्षा ते तरक्की दी बत्तै पर अगडे बधने दे हिमायती रेह न। पाकिस्तान दे साबका प्रधानमंत्री ते पाकिस्तान मुस्लिम लीग नवाज गुट दे अध्यक्ष नवाज शरीफ हुंदी इक सोशल मीडिया पोस्ट दे परते च उनें एह गल्ल आकखी। नवाज शरीफ होरें त्रीह बारी प्रधानमंत्री बनने पर मोदी होरें गी शुभकामना दित्तियां हियां जेहदे परते च मोदी होरें आखेआ जे लोकें दे खुशहाली ते सुरक्षा च बाद्धा करना म्हेशां उंदी पैहली तरजीह रौंहग। शरीफ होरें आखेआ हा जे हाल दे चुनां च बीजेपी दी कामयाबी कन्नै मोदी हुंदे नेतृत्व च लोकें दे विश्वास दा अक्स लब्धदा ऐ। पाकिस्तान दे प्रधानमंत्री शहबाज शरीफ होरें बी भारत दे प्रधानमंत्री दे रूपै च सगंध चुक्कने पर मोदी होरें गी बधाई दित्ती। मोदी होरें उनेंगी बी शुभकामनाएं लेई धन्नबाद कीता।

<><><><><><>

PM-India-Qatar

प्रधानमंत्री नरेन्द्र मोदी होरें आखेआ जे भारत ते कतर अपने दपक्खी सरबंधें गी उंचाइं पर केई जाने आस्तै वचनबद्ध ऐ। कतर दे अमीर शेख तमीम बिन हमाद अल थानी हुंदे कन्नै गल्लबात मगरा मोदी होरें सोशल मीडिया पर एह गल्ल आकखी। उनें अल थानी हुंदे आस्सेआ दित्ती गेदी बधाई पर बी आभार जाहर कीता।

<><><><><><>

इस किशत दे कन्नै गै केंद्र नै 10 जून 2024 तोड़ी राज्ये गी 2 लक्ख 79 ज्हार करोड़ कोला मती रकम जारी करी दित्ती ऐ।

<><><><><><>

IMD
मौसम विभाग नै अगले 3 शा 4 दिनें आस्तै उत्तर प्रदेश, हरियाणा ते दिल्ली सनें पूर्वी ते उत्तर-पच्छम भारत दे किश हिस्सें च बड़ी मती गर्मी सरबन्धी ओरेंज अलर्ट जारी कीता ऐ। आकाशवाणी कन्नै गल्ल करदे होई मौसम विभाग दे वरिष्ठ सांईसदान डॉ. आर.के.जेनामणि होरे आखेआ जे बड़ी मती गर्मी परतियै शुरू होई गेई ऐ ते एह मुख्ख तौर पर उत्तर प्रदेश ते दिल्ली च जारी रौहग। उनें आखेआ जे तापमान 43 थमां 45 डिग्री सैल्सियस बश्कार रौहने दी संभावना ऐ। तांई जम्मू कश्मीर च बी गर्मी ते खुश्क मौसम बने दा रौहग। जम्मू दे मैदानी इलाके च लूह चली सकदी ऐ। मौसम विभाग दा गलाना ऐ जे 17 जून तगर मौसम आम तौर पर खुश्क बने दा रौहग। उआं टामी-टामी थाहरें पर हल्की बरखा पेई सकदी ऐ।

<><><><><><>